

DEIALDIA, IZANGAIEN ZERREDA BAT HAUTAPROBEN BITARTEZ OSATZEKO, BIOZIDEN APLIKATZAILE ETA MANTENTZE-LANETAKO OFIZIALAREN LANPOSTUAN (D MAILAKOA) ALDI BATERAKO KONTRATU BIDEZ ARITZEKO, IRUÑEKO UDALEAN ETA HAREN ERAKUNDE AUTONOMOETAN GERTATZEN AHAL DIREN BEHARRAK ASETZEARI BEGIRA

Giza Baliabideetako zuzendariak honako ebazpen hau onetsi zuen 2026ko otsailaren 25ean, honako oinarri hauekin bat:

OINARRIAK

Lehena.-Deialdiaren xedea.

Deialdia iragartzen da, izangaien zerrenda bat hautaproben bidez osatzeko, **BIOZIDEN APLIKATZAILE ETA MANTENTZE-LANETAKO OFIZIALAREN** lanpostuan (**D MAILAKOA**) aritzeko, Iruñeko Udalean eta haren erakunde autonomoetan aldian-aldian gertatzen ahal diren beharrak asetzeari begira.

Bigarrena.-Izangaiek bete beharreko baldintzak.

2.1. Izangaiek baldintza hauek bete beharko dituzte eskabideak aurkezteko epea bukatzen den egunean:

a) Espainiako nazionalitatea izatea, Europar Batasuneko estatu batekoa, edo Europako Erkidegoak sinatu eta Espainiak berretsitako nazioarteko itunak direla medio langileen zirkulazio librea aplikatzen ahal den eremuko estatu batekoa.

Halaber, parte hartzen ahalko dute Espainiako nazionalitatea, Europar Batasuneko estatu batekoa edo aipatu nazioarteko itunak sinatutako beste estatuetak nazionalitatea duten herritarren ezkontideek ere, baldin eta zuzenbidez bereizita ez badaude, eta, orobat, haien ondorengoek eta ezkontideenak –zuzenbidez bereizita ez badaude–, hogeita bat urtetik beherakoak badira, edo adin horretatik gorakoak izanda haien kargura bizi badira.

b) Hamasei urte beteak izatea eta nahitaezko erretiroa hartzeko ezarritako adina gainditua ez izatea.

c) Honako hauek edukitzea:

- Lanbide-heziketako titulua, abenduaren 15eko 1538/2006 EDan ezarritako lanbide-heziketako espezializazio-ikastaroa, edo Lanbide Kualifikazioen Katalogo Nazionalean sartutako “izurriak kontrolatzeko zerbitzuak” (2. maila) lanbide-kualifikazioari dagozkion gaitasun-unitateak bermatzen dituen profesionaltasun-ziurtagiria.
- Produktu oso toxikoekin (T+) eta kartzinogenoekin, mutagenoekin eta ugalketarako toxikoekin (CMR) tratatzeko maila berezia.



- Ibilgailuak gidatzeko B motako baimena.

Atzerrian eskuratutako titulazioen kasuan, horien homologazio-egiaztagiria eduki beharko da.

d) Behar besteko gaitasun fisiko eta psikikoa izatea bete behar dituzten eginkizunetan aritzeko.

e) Eginkizun publikoetan aritzeko desgaitu edo gabeturik ez egotea, ezta inongo administrazio publikoren zerbitzutik bereizita ere.

f) Espainiako nazionalitatea ez duten izangaiek zinpeko deklarazio bat aurkeztu beharko dute, edo hitz eman, adierazteko ez dutela, beren estatuan, Funtzio Publikoan sartzea galarazten dien diziplina-zehapen edo kondena-penalik.

2.2. Izangaiek agirien bitartez egiaztatu beharko dute 2.1.c apartatuan adierazten diren baldintzak betetzen dituztela eskabideak aurkezteko unean.

2.3. Izangaiek aurreko baldintza guztiak bete beharko dituzte, eskabideak aurkezteko epea bukatzen den egunean ez ezik, hala dei egiten zaienean nola kontratazio-aldian ere.

LANPOSTUAREN FUNTZIO NAGUSIAK:

1. ARRATOI-GARBIKETAREKIN LOTUTAKO ARDURA

JARDUERAk edo ZEREGINAK

- Hiriko saneamendu-erregistroetan errodentizida botatzea. Gerora, horien egoera aztertzea eta, hala badagokio, errodentizida berriz jartzea.
- Bide publikoan eta udal-eraikinetan egiten diren eskaerei erantzutea, bai eta eskaera pribatuei ere; azken horiei dagokienez, tratamendu oinarritzkoa eta puntuala egingen da.
- Produktu eta/edo metodo egokia aukeratzea eta hura aplikatzea.

2. INTSEKTU-GARBIKETAREKIN LOTUTAKO ARDURA

JARDUERAk edo ZEREGINAK

- Labezomorroe aurre egiteko kanpaina (udaberria): bide publikoan intsektizida aplikatzea izurri horrek gehien kaltetu dituen hiriko auzoetan.
- Urteroko intsektu-garbiketa (uda) haur-eskoletan eta ikastetxe publikoetan.
- Liztor asiarra tranpaz harrapatzea: 40 tranpa baino gehiago jartzea liztor erregina harrapatzeko. 2-3 astez behin aztertzen dira, eta zenbat liztor erregina harrapatu diren zenbatzen da.
- Eltxo tigrea tranpaz harrapatzea. 10 tranpa jartzen dira; azertu ondoren, berriak jarri eta zaharrak Atarrabiako Laborategira eramaten dira, eta han 2 astez behin aztertzen dira.
- Bide publikoan eta udal-eraikinetan egiten diren eskaerei erantzutea, bai eta eskaera pribatuei ere (lokaletan eta eraikinetako gune komunetan)
- Produktu eta/edo metodo egokia aukeratzea eta hura aplikatzea.

3. DESINFEKZIOAREKIN LOTUTAKO ARDURA

JARDUERAK edo ZEREGINAK

- Pixak egunero desinfektatzea (puntu beltzak).
- Udal-merkatuetako edukiontziak astero desinfektatzea (Zabalgunea, Alde Zaharra eta abar).
- Animaliak Hartzeko Zentroa astero desinfektatzea.
- Taconerako zoo txikia hiru hilez behin desinfektatzea.
- Hauteskunde-prozesuen ondoren, ikastetxe publikoak desinfektatzea.
- Bide publikoan eta udal-eraikinetan egindako eskaerei erantzutea. Kasu zehatzak, hala nola Diogenes, Covida edo heriotzak.
- Produktu eta/edo metodo egokia aukeratzea eta hura aplikatzea.

Hirugarrena.- Eskabideak.

3.1. Eskabideak aurkezteko epea.

Deialdian parte hartzeko eskabideak hamar egun naturaleko epean aurkeztu beharko dira, deialdia iragartzeko aipamena Nafarroako Aldizkari Ofizialean argitaratu eta biharamunetik aitzina kontatuta. Deialdi honen testu osoa eskuragarri egonen da Iruñeko Udalaren www.pamplona.es/eu webgunean. Eskabideak aurkezteko ezarritako epea luzaezina da.

3.2. Eskabidea aurkeztea eta formalizatzea.

Hautapen-prozesu honetan parte hartu nahi dutenek modu telematikoan aurkeztu beharko dute eskabidea, Internet bidez, www.pamplona.es/eu webgunean, honako nabigazio-bide honi jarraikiz: “Izapideak eta lizitazioak”, “Lan-eskaintzak”, “Enplegu publikoa”, “Enplegu publikoko deialdiak”, deialdi honi dagokion aipamenean.

3.3. Tasak.

Azterketa-eskubideengatik eta espedientea formalizatzegatik ordaindu beharreko tasa 5,20 eurokoa da. Tasa modu telematikoan ordainduko da, eskabidea formalizatzeko unean, modu telematikoan ordaintzeko sistema seguru baten bidez.

Azterketa-eskubideen tasa ordaintzeak ez du inola ere ordeztuko eskabidea behar den epean eta moduan aurkeztu beharra.

3.4. Eskabidearekin batera aurkeztu beharreko agiriak.

3.4.1. Eskabidea online aurkezteko unean, izangaiek honako agiri hauek aurkeztu beharko dituzte:

a) Deialdian parte hartzeko baldintza gisa 2.1.c apartatuan eskatutako tituluen, prestakuntzaren eta baimenaren kopia.

Nahi duenak, eskabidea aurkezteko unean, kudeatzaileari baimena ematen ahalko dio titulua Hezkuntza Ministerioaren Datuak Egiartzatzeko Zerbitzuan kontsultatzeko, baina aukera horrek ez du beti bermatzen egiaztatuko dela. Hori gertatzen baldin bada eta izangaiek ez badu titulazioaren kopiarik aurkezten, onartuen zerrendatik kanpo geratuko da.

Atzerrian eskuratutako tituluen kasuan, dagokien baliozkotzea edo, bestela, horren homologazio-egiaztagiria aurkeztu beharko dute.

3.4.2. Desgaitasunen bat aitortua duten izangaiek egoera hori egiaztatu beharko dute. Horretarako, honako agiri hauetako bat aurkeztu beharko dute:

- IMSERSOk edo autonomia-erkidegoan eskumena duen organoak emandako ziurtagiria.
- Gizarte Segurantzako Institutu Nazionalaren ebazpena, prestazio bat jasotzeko eskubidea onartzen diona hauetakoren bat izateagatik: ezintasun iraunkor osoa, ezintasun iraunkor absolutua edo baliaezintasun handia.

Halaber, denboraren eta baliabideen aldetik behar dituzten egokitzapenak eskatzen ahalko dituzte –beharrezkotzat joz gero–, eskabidean bertan adierazita, eta, horrez gain, aparteko orri batean azaldu beharko dute zer-nolako desgaitasuna duten eta zer egokitzapen eskatzen dituzten.

3.4.3. Deialdian parte hartu nahi duten eta genero-indarkeriaren biktima diren emakumeek baldintza hori egiaztatu beharko dute, genero-indarkeriako delitu batengatik kondena-epaia, babes-agindua edo genero-indarkeriaren biktimaren aldeko kautelazko neurri bat erabakitzen duen beste edozein ebazpen judizial aurkeztuz, edo Ministerio Fiskalaren txostena aurkeztuz, non adieraziko baita demandatzailea genero-indarkeriaren biktima delako zantzuak daudela. Halaber, genero-indarkeriazko egoerak egiaztatzen ahalko dira gizarte zerbitzuen, zerbitzu espezializatuen edo genero-indarkeriaren biktimentzako administrazio publiko eskudunaren harrera-zerbitzuen ziurtagiriaren eta txostenaren bidez.

3.4.4. Agiri horiek aurkezten ez dituztenak ez dira deialdian onartuak izanen, eta baliorik gabe geldituko dira haiek gauzatutako egintza guztiak, deusetan galarazi gabe parte hartzeko eskabidean faltsukeria egiteagatik legokiekeen erantzukizuna.

Aski izanen da agirien kopia soilak aurkeztea; hala ere, emandako datuak edo agiriak okerrak edo faltsuak badira, horrek berekin ekarriko du horrelako kasuetarako ezarritako erantzukizun penalak, zibilak edo administratiboak eskatzea.

Laugarrena. Izangaien onarpena. Behin-behineko zerrendak eta behin betikoak.

4.1. Eskabideak aurkezteko epea amaiturik, Iruñeko Udaleko Giza Baliabideetako zuzendariak onartuen eta baztertuen behin-behineko zerrenda onetsiko du, eta Iruñeko Udalaren www.pamplona.es/eu webgunean argitaratuko da.

4.2. Egun horretatik aitzina, baztertutako izangaiek bost egun balioduneko epea izanen dute erreklamazioak aurkezteko edo, hala behar izatera, egindako akatsak zuzentzeko, izangai onartuen eta baztertuen behin-behineko zerrenda argitaratzean adierazten den izapidearen bidez.

4.3. Behin erreklamazioak aurkezteko epea bukatu eta erreklamazioak ebatzita, Iruñeko Udaleko Giza Baliabideetako zuzendariak onetsiko du izangai onartuen eta baztertuen behin betiko

zerrenda, eta agindua emanen du hori Udalaren webgunean argitaratzeko. Zerrendarekin batera, deialdi honetan aurreikusitako hautapropa egiteko eguna eta tokia ere emanen dira jakitera.

Baztertutako izangairik ez badago, behin betiko zerrenda zuzenean onetsiko da eta Iruñeko Udalaren webgunean argitaratuko da, hautapropa egiteko egunarekin eta tokiarekin batera.

4.4. Izangaiei ez zaizkie azterketa-eskubideak itzuliko baldin eta baztertuak izan badira beraiei egozten ahal zaizkien arrazoiengatik.

4.5. Onartuen zerrendan agertzeak ez du esan nahi izangaiei aitortzen zaienik deialdietan eskatutako baldintzak betetzen dituztela. Izangaiek aurkeztu behar duten dokumentazioa edo Administrazioaren eskuetan dagoena aztertzean ondorioztatzen bada ez dutela betetzen eskatutako baldintzaren bat, interesdunek deialdian parte hartzeagatik bereganatutako eskubide guztiak galduko dituzte, deusetan galarazi gabe faltsukeria dela-eta legozkiekeen erantzukizun penal, zibil edo administratiboak.

Bosgarrena. Hautapen-prozesuaren garapena eta balorazioa.

Hautapen-prozesua 2026ko apirilean hasiko da, eta proba bakarra izanen du, oinarri hauetan adierazten den moduan:

5.1. Proba bakarra: test erako galdetegia.

Ariketa teorikoa izanen da. Izangaiek test erako 100 galdera erantzun beharko dituzte gehienez ere, idatziz, 120 minutuko tartean, gehienez, deialdi honen I. eranskinean jasotako gaitegiko gaiei buruz. Galdera bakoitzak erantzun posible batzuk izanen ditu aukeratzeko, baina bat bakarra izanen da baliozkoa. Proba egin aurretik zehaztuko dira proba hori balioesteko irizpideak eta hainbat erantzun-aukera dituzten galderetan akatsak nola zigortuko diren.

Proba honetan gehienez ere 50 puntu eskuratzen ahalko dira. Bazterturik geldituko dira ezarritako gehieneko puntuazioaren % 30, gutxienez, lortzen ez duten izangaiak.

5.2. Probarako deialdi bakarra egingen da, eta izangaiak nortasun agiri nazionala, AIza, pasaportea edo gidabaimena aldean dutela agertuko dira. Agertzen ez diren edo nortasuna egiaztatzen ez duten izangaiak baztertuta geratuko dira.

5.3. Hautaprobak egin bitartean, beharrezko egokitzapenak ezarriko dira, probak egiteko denboraren nahiz bitartekoen aldetik, desgaitasuna aitortua eduki eta eskabidean halakorik eskatu duten izangaiendako.

5.4. Proba egin ondoren, Udalaren webgunean argitaratuko dira izangai bakoitzak lortutako emaitzak.

5.5. Proba bakoitzeko emaitzen aurka erreklamazioa paratzen ahalko da, 3 egun balioduneko epean, emaitzak Udalaren webgunean argitaratu eta biharamunetik aitzina kontatuta, Udalaren edozein erregistrotan eskabidea aurkeztuta.

Seigarrena. Kalifikazio-epaimahaia.

6.1. Epaimahaia honako kide hauek osatuko dute:

Epaimahaiburua: Patxi Iriarte Echenique, Iruñeko Udaleko Hiri Kontserbazioko eta Osasuneko Alorreko zuzendaria.

Epaimahaiburu ordezkia: Xabier Burgui Vergara, Iruñeko Udaleko Giza Baliabideetako zuzendaria.

Epaimahaikidea: Carlos Eguizabal Villanueva, Iruñeko Udaleko Osasuneko idazkari teknikoa.

Epaimahaikide ordezkia: Alberto García Zabalegui, Iruñeko Udaleko Elikagaien Ikuskaritza eta Zoonosi Zerbitzuko kudeatzailea.

Epaimahaikidea: Laura Lacasta Izura, Iruñeko Udaleko Desinfekzio Parkeko burua.

Epaimahaikide ordezkia: Miguel García Redín, Iruñeko Udaleko Desinfekzio Parkeko mantentze-lanen arduraduna.

Epaimahaikidea: Iruñeko Udaleko Langileen Batzordeko ordezkari bat, batzordeak berak izendatua.

Epaimahaikide ordezkia: Iruñeko Udaleko Langileen Batzordeko ordezkari bat, batzordeak berak izendatua.

Idazkaria: Raquel Pérez García, Iruñeko Udaleko Giza Baliabideetako teknikaria.

Idazkari ordezkia: Beatriz Martínez Buldain, Iruñeko Udaleko Giza Baliabideetako teknikaria.

6.2. Epaimahaia hautaprobak hasi baino lehen eratu beharko da. Epaimahaia ezin izanen da eratu, ez eta jardun ere, gutxienez kideen gehiengo osoa bertaratu gabe.

Kide anitzeko organoaren eraketak eta jardunak balio izateko, epaimahaiburuak eta idazkariak bertan egon beharko dute, edo, hala behar izatera, haien ordezkioek, kontuan harturik ordezkio izaten ahal direla, baita ere, epaimahaikide ordezkio gisara izendatutakoak, bigarren ordezkioa egitea beharrezkoa izanez gero.

6.3. Kalifikazio-epaimahaiko kideek parte hartzeari uko egin beharko diote, eta organo deitzaileari jakinarazi, Sektore Publikoaren Araubide Juridikoari buruzko urriaren 1eko 40/2015 Legean horretarako ezarriak dauden arrazoiak suertatzen badira.

Izangaiek, halaber, zilegi izanen dute epaimahaikideak errekusatzeko, aipatu inguruabar horiek gertatzen badira.

6.4. Epaimahaiak gehiengoz ebatziko ditu deialdiaren oinarriak interpretatzeko eta aplikatzeko moduari buruz sor daitezkeen gorabehera guztiak.



6.5. Epaimahaiak aholkulari adituak deitzen ahalko ditu proba guztietarako nahiz batzuetarako. Aholkulari horiek laguntza emanen diote epaimahaiari, betiere beraien espezialitate teknikoei bakarrik helduta.

Zazpigarrena. Gainditu dutenen zerrenda.

7.1. Behin probaren kalifikazioa bukatuta, epaimahaiak Udalaren webgunean argitaratuko du gainditu duten izangaien zerrenda (aldi baterako kontrataziorako), lortutako puntuazioaren hurrenkeran. Halaber, Giza Baliabideetako zuzendariari igorriko zaio zerrenda, onetsi dezan, hautapen-prozesuaren espediente osoarekin batera.

7.2. Izangaiek guztira erdiesten dituzten puntuetan gertatzen ahal diren berdinketak kalifikazio-epaimahaiak ebatziko ditu xede horretarako egingen den zozketaren bidez.

7.3. Izangai-zerrendak izangaia deitzeko hurrenkerarekin bat onetsi aurretik, osasun-azterketa bat egingen zaie desgaitasuna egiaztatu duten izangaiari, lanposturako gaitasuna zehazte aldera.

Zortzigarrena. Izangaien zerrendak eta dei egitea.

8.1. Giza Baliabideetako zuzendariak izangaien zerrenda onetsiko du, izangaia deitzeko hurrenkeraren arabera, eta www.pamplona.es/eu webgunean argitaratuko da.

8.2. Izangaiari deitzea, eta hala badagokie, haien kontratazioa honako arau hauetan ezarritakoarekin bat egingen da: Nafarroako Administrazio Publikoen Zerbitzuko Langileen Estatutuaren testu bategina onetsi zuen abuztuaren 30eko 251/1993 Legegintzako Foru Dekretuaren 88. artikulua eta hurrengoak, deialdi honen oinarriak, Tokiko Gobernu Batzarrak 2017ko apirilaren 25ean onetsitako Erabakia –Iruñeko Udalean langileak administrazio araubidean kontratatzea erregulatzen duena– eta haren eguneratzeak, bai eta aplikagarriak diren gainerako arauak ere.

8.3. Momentu horretan eskatzen ahalko zaizkie deialdi honetan eskatutako jatorrizko dokumentuak edo fotokopia konpultsatuak edo legeekin bat kautotuak.

8.4. Deia egiterakoan, aintzat hartuko da Nafarroako Administrazio Publikoetako Langileen Estatutuaren testu bateginaren zazpigarren xedapen gehigarrian ezarritakoa, eta horretarako, % 33ko desgaitasuna edo handiagoa duten izangaiek egoera hori egiaztatu beharko dute organo eskudunak egindako jatorrizko agiria edo kopia konpultsatua edo legeekin bat kautotua aurkeztuta.

8.5. Halaber, 251/1993 Legegintzako Foru Dekretuko hogeita zazpigarren xedapen gehigarrian xedatutakoari men egingen zaio, eta, horrenbestez, aldi baterako kontratazioetarako izangaien zerrendetan hamar plazatik bigarrena gordeko da genero-indarkeriaren biktima diren emakumeek

beteak izateko, betiere kasuan kasuko hautaprobak gainditu badituzte eta haien egoera frogatzen badute.

Bederatzigarrena. Errekurtsoak.

Kalifikazio-epaimahaiaren egintzen aurka, gora jotzeko errekurtsoa aurkezten ahal da, deialdia egin duen udal-organoari zuzendua, hilabeteko epean, errekurritu nahi den egintza edo erabakia jakinarazi eta hurrengo egunetik aitzina kontatuta.

Deialdi honen nahiz haren oinarrien eta hura aplikatzeko egintzen aurka, errekurtso hauetariko bat paratzen ahal da, aukeran:

- a) Berraztertzeiko errekurtsoa, egintza gauzatu duen organoari zuzendua, hilabeteko epean, ebazpen hau jakinarazi edo argitaratu eta biharamunetik aitzina.
- b) Gora jotzeko errekurtsoa, Nafarroako Administrazio Auzitegiari zuzendua, hilabeteko epean, errekurritutako egintza edo erabakia argitaratu edo jakinarazten denetik aitzina.
- c) Administrazioarekiko auzi-errekurtsoa, Administrazioarekiko Auzien Iruñeko Epaitegiari zuzendua, bi hilabeteko epean, errekurritu nahi den egintza edo erabakia jakinarazi edo argitaratu eta biharamunetik aitzina.

Udalaren webgunean argitaratuko dira hala jarritako errekurtsoak nola haien gainean emandako ebazpenak, hautapen-prozesu honetako interesdunei jakinarazteko eta dei egiteko.

Iruñean, 2026ko otsailaren 25ean. Giza Baliabideetako zuzendaria, Xabier Burgui Vergara.

I. ERANSKINA

Gaitegi orokorra

1. Genero-berdintasuna: 3/2007 Lege Organikoa, martxoaren 22koa, Emakumeen eta gizonen arteko berdintasun eragingarrirako. Atariko titulua. I. titulua: Berdintasun-printzipioa eta diskriminazioaren kontrako babesa. II. titulua: Berdintasunerako politika publikoak. Printzipio orokorrak. V. titulua: Berdintasun-printzipioa enplegu publikoan (I., II. eta III. kapituluak).
2. Iruñeko Udalaren Energia Trantsiziorako eta Klima Aldaketarako 2030 Estrategia: betearazpen-laburpena.
3. Informatika-kontzeptuak: Word 2016 testuen tratamendua, Excel 2016 kalkulu orriak, espedienteen kudeaketa, Internet eta posta elektronikoa.

Gaitegi espezifikoa

1. Kontzeptuak: bektorea eta izurritea. Arrisku nagusiak, lotutako arriskuak eta eritasunen transmisioa.
2. Hiri-izurrite nagusiak. Kontrola, diagnostikoa eta tratamendua eraikinen kanpoaldean, barruan eta estolderia-instalazio eta -sistemetan. Bioziden eta produktu fitosanitarioen arteko desberdintasunak.
3. Honako hauen ziklo biologikoa, habitata eta jarrera: karraskariak, labezomorroak, kaparrak, eltxoak (*Aedes albopictus* eta *Culex pipiens*) eta liztor asiarra (*Vespa velutina*).
4. Izurriteen eta bektoreen kontrol integratua. Bektoreak eta izurriak kontrolatzeko erabiltzen diren prozedura ez-kimikoak. Izurriak prebenitzeko eta kontrolatzeko praktika egokiak.
5. Biozidak: kontzeptua, taldeak eta baimenduta dauden motak. Kontrol kimikoa: T+CMR. Erroditizida antikoagulatzaileak. Piretroideak. IGR (hazkunde-erregulatzaileak). Kontrol biologikoa: Bti (*Bacillus Thuringiensis*).
6. Biozidak: Garraiatzeko baldintzak ibilgailuentzat. Biltegiatze-baldintzak establezimenduan.
7. Biozidak: Aplikatze-teknikak eta -ekipoak identifikatzea. Motak eta funtzionaltasunak. Biozidak aplikatzeko prozedurak. Ekipoak mantentzea eta kontserbatzea.
8. Biozidak. Hondakin arriskutsuak kudeatzea establezimendu eta zerbitzu biozidetan.
9. Biozidak: Intoxikazioak eta lehen sorospenak. Arriskuak. H eta P esaldiak. Piktogramak. Norbera babesteko ekipamendu motak. Segurtasun-fitxak.

10. 31/1995 Legea, Laneko Arriskuen Prebentzioari buruzkoa; xedea, aplikazio-eremua eta definizioak. Eskubideak eta betebeharrak.
11. 830/2010 ED, ekainaren 25ekoa, Tratamendu biozidak egiteko gaitzeari buruzko araudi erregulatzailea ezartzen duena.
12. EB 528/2012 Erregelamendua, bioziden merkaturatzeari eta erabilerari buruzkoa:
 - a. helburua eta xedea
 - b. Aplikazio-eremua eta definizioak
 - c. Merkaturatzea eta bioziden erabilera
 - d. Modu jasangarrian erabiltzeko neurriak
 - e. Biozidak sailkatzea, ontziratzea eta etiketatzea
 - f. Bioziden erregistroa

Deialdi hau argitaratzen den egunean indarrean dagoen araudiaren arabera eskatuko dira gai guztiak.